

Makitu ki Pol ndangi adi Pilemon Ta ki dɔ makitu'ti ki Pol ndangi adi Pilemon

Makitu kin in makitu ki Pol ndangi adi Pilemon ki ɔjido'a inbe ta dangi. Pilemon in njekunme, in ngatɔgi me be'ti. Onejim in bɛr lɛ Pilemon ɛ te kɛy lɛ be'ne anyi. Dɔkagilo madi ingɛi nan ki Pol. Kitakul Pol ɛ Onejim un me'ne adi Kirisiti. Ngosine Pol ad'a tɛl aw rɔ Pilemon'ti gɔgi ningɛ el Pilemon kadi uwɛ ki rɔ'ne'ti um oo'ɛ to bɛr par el nga, nan oo'ɛ to ngonkon me Kirisiti'ti.

Kon ta'gi ki me'ti: Kandi me ta'ti 1-3. Oyo ki Pol ra Luwɛ ɔjido kunme lɛ Pilemon 4-7. Pol naji Onejim 8-22. Dɔboy ta 23-25.

Kuwɛ ji nan

¹ M'in Pol ki m'in dangay'ti tado Poyta ki maji lɛ Jeju Kirisiti, nan'ti ki ngannkon'gi Timote, j'ulɛ ki makitu kin j'uwɛ'n ji'i in Pilemon. In njendigi ki ngayn ta in madikulɛ'je tɔ*. ² J'uwɛ ji konnann'je Apiya, taa Arsiɔi ki in madi rɔ lɛ'je tado lɛ Kirisiti kin tɔ†. Ningɛ j'uwɛ ji Njekawnan'gi ki sii me kɛy'ti lɛ'i in Pilemon tɔ. ³ Kadi memaji ki kisimaji lɛ Baw'je Luwɛ in ki Burɛbe lɛ'je Jeju Kirisiti in sese.

Ndigi nan ki kunme lɛ Pilemon

* **1:1** 1.1 13, 22, 23 † **1:2** 1.2 Kol 4.17

4 M'ra oyo Luwə lə'm tado dəkagilo'gi pəti ki m'nji m'el si'ə ta ningə, me'm olo do'i'ti in Pilemon. 5 Tado m'oo poy'i kadi in ndigi ngann'gi lə Luwə pəti. Kunme ningə, adi me'i Burəbe Jeju Kirisiti tɔ. 6 M'in dəji kadi kində rɔ nan'ti lə'i se'je do kunme'ti te ki kandi nya ngayn. Kunme kin a toji kadi de'gi gəri kulə'gi pəti ki maji ki j'asi ra ki takul kində rɔ nan'ti lə'je ki Jeju Kirisiti. 7 Ngonnkon'm, m'ingə rɔnel ki mesol ngayn tado ndigi lə'i, tado ngann'gi lə Luwə ingəi mesol ki gorow ndigi lə'i kin.

Nya dəji lə Pol tado Onejim

8 In be ə, re m'ingə togi me tɔ Kirisiti'ti kadi m'ɔj'i nya ki maji kadi ra kaa, 9 m'ge kadi, ki takul ndiginan ki to dann'je'ti, m'in dəji nya to dəji yo. Toki oo'n, m'in Pol m'bugə, ta dəkagilo'ti kin m'in me kəy dangay'ti tado lə Jeju Kirisiti, 10 m'dəj'i nya kare tado ngonn'm ki me Kirisiti'ti Onejim. Ngosine, m'in təl baw'a kigo ta'ti lə Jeju me kəy dangay'ti ne‡. 11 Kete in de ki nda'a goto takum'i'ti, ningə ngosine təl de ki nda'a to tado lə'je joo pəti.

12 M'təl m'ulə ki rɔ'i'ti gogi, in ki in de darɔ'm. 13 M'ge ngayn kadi m'in ngəm'ə rɔ'm'ti ne kadi ra kulə adi'm tor'i'ti, dəkagilo'ti ki m'in'n dangay'ti tado Poyta ki maji lə Jeju. 14 Ningə m'ndigi ra nya madi ki kanji ko yan'i, el. Mərta lə'm in kadi ra maji lə'i in kigo me ndigi'ti lə'i inbe, um in ki togi ki kində do'ti el.

15 Dɔmaji ə, Onejim gangi nan sə'i dəkagilo ki nden be, kadi re ingə gogi ningə, isi sə'i biti. 16 A

‡ 1:10 1.10 Kol 4.9

ingə gogi to bər el nga. A oo'ə to de ki gat'a in ngayn utə bər. A oo'ə to ngonkon'i ki nje ndigi lə'i me Kirisiti'ti. M'ndig'ə ngayn, nan m'in gər kadi ndigi ki in a ndig'ə a utə yan'm bay, kigo daro'ti, eke kigo row'ti lə Luwə.

¹⁷ In be ə, re oo'm to madikulə'i ningə, uwə ro'i'ti toki in m'inbe ə uwə'm ro'i'ti be. ¹⁸ Re ra sə'i nya madi ki low'ə'ti el, eke aw ki bangi lə'i do'a'ti kaa, ində do'm'ti. ¹⁹ M'in Pol inbe ə m'in ndangi ta kin ki ji'm. M'a m'ugə'i bangi kin. Maji kadi in gər toki m'aw ki bangi do'i'ti, adi in daro'i inbe. ²⁰ Oyo Ngonkon'm, m'dəji kadi ra kulə kin adi'm me to Burəbe'ti. In ra adi me'm sol me to Kirisiti'ti.

²¹ Me'm olo do təl ro go ta'ti lə'i dokagilo'ti ki m'nji m'ndangi'n makitu kin mad'i. Ningə m'gər kadi a ra toki m'dəji. Be el ə, a ra utə in ki m'dəji kin bay. ²² Ningə m'dəji kadi ində do key madi dana adi'm. Tado m'ində me'm do'ti kadi, takul k'el ki isi elita ki Luwə tado lə'm kin, a ra adi nje konbe'gi a inyəi m'in ta adi'se.

Kuwə ji nan ki doboy'ti

²³ Epirasi uwə ji'se. In sə'm nan'ti key dangay'ti ne tado lə Jeju KirisitiŠ. ²⁴ Madi kulə'm'gi, Marki* in ki Arisitark†, ta Dəmasi‡ in ki LukiŠ uwəi ji'se to.

²⁵ Kadi maji lə Burəbe Jeju Kirisiti in nan'ti sese.

§ 1:23 1.23 Kol 1.7, 4.12 * 1:24 1.24 2Ti 4.11 † 1:24 1.24 KNK 19.29, 27.2; Kol 4.10 ‡ 1:24 1.24 Kol 4.14; 2Ti 4.10 § 1:24 1.24 Kol 4.14

Ta lə Luwə Kunmindɪ kɪ Sigi
New Testament in Gor

copyright © 2014 Wycliffe Bible Translators, Inc.

Language: Gor

Contributor: Wycliffe Bible Translators, Inc.

All rights reserved.

2020-11-17

PDF generated using Haiola and XeLaTeX on 21 Feb 2024 from source
files dated 29 Jan 2022

2c67456e-bce1-5ef4-9c95-47d2d9335aa4